



ATASSUT

UPA15/94-1

Siverth K. Heilmann

26.03.2015.

Kalaallit Nunaanni sulisilluni ajoqusersinnaanermut isumannaarineq pillugu inatsisissatut siunnersuutip atuutsilernissaanut tunngatillugu oqaaseqaat pillugu Inatsisartut aalajangiussinerat.

(Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq)

Kalaallit Nunaanni sulisilluni ajoqusersinnaanermut isumannaarineq pillugu inatsisissatut siunnersuutip siullermeerneqarnerani ATASSUT-mit imaattumik oqaaseqaateqassaagut:

Kissaatiginarnerpaavoq sulitilluni ajutoornerit nalaanneqartassanngitsut, taamaammallu kissaatiginarpoq suliffeqarfiit tamarmik, namminersortuugunik imaluunniit pisortanit pigineqartuugunik, suliffeqarfimmi isumannaallisaanermut ersarissumik pilersaaruteqassasut aammalu siunnerfilimmik sulissuteqartuassasut suliffimmi ajoqusersinnaaneq pinngitsoortinniarlugu.

Taamaattorli sulinermi ajoquserneq ajoraluartumik nalaanneqartarpoq, taamaammallu pisariaqarluinnarpoq sulitilluni ajoqusertoqarsimatillugu inatsitigut ersarissumik malittarisassaqaarnissaq, kissaatiginarporlu sulisoq ajoqusersimasoq sukkasuumik, isumannaatumik aammalu naapertuilluartumik sullinneqartassasoq.

Inatsit maanna atuuttoq ukiuni tallimaanngitsuni misilittagaqarfigaarput, taamaattorli maluginiarparput ullumikkut killiffitsinni naleqqussarneqarnissaa nutarterneqarnissaalu pisariaqartinneqartoq.

Maluginiarparputtaaq siunnersuutip suliarineqarneranut atatillugu tusarniaanermi annertuumik akerliusoqarsimanngitsoq, taamaattorli ilinniartitsisut Kattuffiat IMAK kissaateqarsimasoq maalaarsinnaanermut periarfissaqartitaaneq ullumikkut sapaatip akunnerinik arfinilinnik



ATASSUT INATSISARTUNI

sivissusilik atuutsiinnarneqassasoq, tassani pissutaatinneqarluni nunatsinni isorartuumi sumiiffippassuarni allakkatigut kiffartuunneqarneq sapaatip akunneranut ataasiaannarluni pisarmat.

ATASSUT-mit kaammattuutigissavarput Inatsisartut Inatsiseqarnermut Ataatsimiititaliaanit nalilersorneqassasoq IMAK-ip isumaalunna tunngavissaqarnerisq piumasarissallugu maalaarsinnaanermut piffissaliussap sapaatip akunnerini arfinilinniitiinnarnissaanik piunasaqassalluni, siunnersuutigineqartutullu sapaatip akunneri sisamangortinneqarnissaa utertinneqassanersoq.

Taamatut oqaaseqaateqarluta inassutigissavarput siunnersuut Inatsisartut Inatsiseqarnermut Ataatsimiititaliaanut suliasangortinneqassasoq.